

Adroddiad Cyfarwyddwr Safle Wylfa

22 Mehefin 2017

Stuart Law

Cyfarwyddwr y Safle



Crynodeb Cyfarwyddwr y Safle (Chwefror - Mai 2017)

Gweithredu ar safle Wylfa

Ym mis Ebrill, dechreuodd safle Wylfa ar y broses gwagio tanwydd am yr ail flwyddyn, ac rwy'n falch o gyhoeddi bod 39% o danwydd cyffredinol y safle wedi'i wagio ers 7 Mehefin.

Ers mis Ebrill 2016 mae tua 21,704 o elfennau tanwydd sydd wedi cael ei ddefnyddio wedi'i dynnu ac mae 145 o fflagiau wedi cael eu cludo i Sellafield.

Mae cell storfa sych sylfaenol dau (PDSC2) yn un o'r nifer o fannau sy'n cael eu defnyddio i storio elfennau tanwydd arbelydredig sydd wedi cael eu tynnu o ddau adweithydd Wylfa. Mae PDSC un a dau yn hollbwysig i raglen gwagio tanwydd Wylfa gan eu bod yn darparu lle storio i'r tanwydd sy'n cael ei dynnu o Adweithydd 1 (sy'n llwybr critigol ar hyn o bryd ar gyfer y rhaglen gwagio tanwydd) yn ogystal â chaniatáu i danwydd gael ei roi mewn fflag a'i gludo oddi ar y safle.

Eleni, fe wynebodd PDSC3 ymosodiad annisgwyl ar ei system yrru - rhywbeth na welwyd ei debyg ers 30 o flynyddoedd. I drwsio'r nam, roedd yn rhaid tynnu'r system yrru yn ddarnau a'i hailadeiladu ar ôl cael cydrannau allweddol newydd a oedd yn broses gymhleth iawn. Roedd PDSC2 yn gweithio eto erbyn mis Mawrth.



Y tu mewn i'r system yrru



Tynnu'r gyrrwr yn ddamau

Fe wnaethom lwyddo i sicrhau cyflwr gweithredol 100% ar gyfer cyfarpar llwybr y tanwydd ym mis Mai - lle'r oedd y ddau adweithydd yn gwagio tanwydd ar yr un pryd a fflagiau'n cael eu llenwi drwy'r llwybr sylfaenol a'r llwybr eilradd am y tro cyntaf ers mis Tachwedd 2015. Fodd bynnag, roedd nifer y namau a'r gwaith trwsio yn dal yn uwch na'r hyn a welwyd yn ystod ein cyfnod cynhyrchu terfynol.

Ym mis Ebrill, cawsom Rybudd Gwella ffurfiol gan y Swyddfa Rheoleiddio Niwclear (ONR) i adolygu ein Cynllun Rheoli Asbestos ac i sicrhau ein bod yn cyflawni ein gwaith ar sail risgiau er mwyn dangos ein bod yn mynd i'r afael â'r eitemau gyda'r flaenoriaeth uchaf yn gyntaf. Ar ôl hynny lluniwyd cynllun gweithredu i fynd i'r afael â'r Rhybudd Gwella asbestos ac fe'i hanfonwyd i'r ONR. Daeth Debbie John, Arolygydd Diogelwch Confensiynol yr ONR i ymweld â'r safle ar 2/3 Mai i drafod y cynllun gweithredu ac i wirio'r cynnydd. Cyflwynwyd Cynllun Rheoli Asbestos diwygiedig i'r ONR ar 7 Mehefin.

Mae prosesau monitro asbestos yn cael eu cynnal bob dydd; does dim lefelau o asbestos yn achosi pryderon hyd yn hyn ond mae rhagor o ragofalon yn cael eu cymryd er mwyn diogelu personél drwy gyfyngu mynediad at neuadd y tyrbinau a'r adeilad lle mae cyfarpar yr adweithydd.

Prosiect Adfer Gwastraff Lefel Ganolraddol (ILW) Cell Storfa Sych 4

Mae prosiect i adfer malurion cryrydiad yr elfen tanwydd o 37 o diwbiau sgip yng Nghell Storfa Sych 4 yn paratoi ar gyfer proses gomisiynu weithredol pan roddir mynediad i'r gell am y tro cyntaf ers iddi gael ei hadeiladu.

Mae cam profi ac adfer y prosiect wedi gorffen; mae cyfarpar codi unigryw wedi'u cynllunio a'u gweithgynhyrchu gan Mona Lifting, Llangefni, a'r cyfarpar adfer o bell wedi'u cynllunio a'u gweithgynhyrchu gan Beko Engineering, Biwmares eisoes ar waith.

Bydd yn rhaid bod yn ofalus wrth geisio gosod y cyfarpar adfer 6m o bell yn y gell er mwyn torri'r tiwbiau sgip tanwydd i ffwrdd, eu codi drwy ddraen tarian yn nho concriid trwchus 2m y gell a rhoi'r ILW yn y Cynwysyddion Haearn Bwrw Hydwyth (DCIC).

Bydd y broses gywrain yn cael ei chynnal mewn ystafell benodol a fydd wedi'i haddasu i weithredu'r cyfarpar o bell gan weithredwyr sydd wedi treulio cannoedd o oriau yn ymarfer y symudiadau mewn prosesau efelychu byw oddi ar y safle.

Yn amodol ar gytundeb â'r ONR, rydym yn disgwyl i'r prosesau adfer ddechrau ym mis Awst 2017.



Un o'r tri DCIC yn cyrraedd y safle

Gweithredu ar safle Maentwrog

Roedd y broses gynhyrchu ar gyfer y flwyddyn ariannol Ebrill 2016 tan ddiwedd Mawrth 2017 ychydig ar y blaen, 53 GW yn erbyn targed blynyddol o 50 GW. Mae'r argaeledd ar gyfer yr un cyfnod yn 89%.

Ar hyn o bryd mae Staff wrthi'n paratoi ar gyfer y Cyfnod Segur Blynyddol o gyflawni Gwaith Cynnal a Chadw sy'n dechrau ar 12 Mehefin 2017. Y prif fannau gwaith yw'r mân waith arolygu a thrwsio dau dwnnel concriid ac arolygu'r Biblinell Gwasgedd Isel. Fel rheol, mae diamedr y twnelau a'r Biblinell Gwasgedd Isel yn 9.5' neu'n 2.9 metr a'u hyd unwaith eto tua 1.75 milltir neu 2.9Km. Ac eithrio mewn cyfnod segur, mae'r twnelau a'r pibellau hyn yn llawn dŵr o Gronfa Ddŵr Trawsfynydd.



Yr Amgylchedd, Iechyd, Diogelwch ac Ansawdd

Ystadegau diogelwch 6 Mehefin 2017

Cyfradd cyfanswm y digwyddiadau a gofnodwyd (TRIR): 0.00

Cyfradd achosion diwrnodau i ffwrdd (DACR): 0.00

Nifer y diwrnodau ers damwain colli amser: 485

Does dim anafiadau cymorth cyntaf wedi bod ar y safle ers mis Mawrth 2016.

Ac ystyried y newid sylweddol mae'r safle wedi'i weld, mae rheswm i ddathlu bod ymrwymiad yr holl safle i ddiogelwch wedi arwain at flwyddyn heb TRIR a DACR o sero. Fodd bynnag, rydym yn parhau i gefnogi a llywio ymgyrch ddiogelwch Targed Sero Magnox er mwyn sicrhau nad ydym yn mynd yn ddi-hid ar ôl cyflawni'r nod hwn.

Cynhaliwyd rhaglen hyfforddiant diwylliant diogelwch ar gyfer Goruchwylwyr Rheng Flaen ar draws y cwmni yn ystod y cyfnod adrodd.

Ymweliadau/dyddiadau allweddol

Ymweliad ag EDF Energy 2 a 3 Mai

Mewn ychydig o flynyddoedd bydd EDF Energy yn cychwyn ar ei raglen cau AGR. Gan mai Wylfa yw'r safle diweddaraf i drawsnewid o fod yn cynhyrchu ynni i fod yn gwagio tanwydd, gofynnwyd i ni gynnal ymweliadau ar gyfer pump o uwch reolwyr y cwmni i rannu rhai o'r prif wersi a ddsygwyd yn ystod y broses drawsnewid.



Fforwm Cynhyrchu Niwclear i Bobl Ifanc Ewrop 2017

Rhwng 11 ac 16 Mehefin fe fydd Manceinion yn cynnal digwyddiad anrhydeddus i 400 o weithwyr proffesiynol ifanc ym maes niwclear o bob cwr o'r byd. Bydd grŵp o 28 o gynrychiolwyr yn ymweld â safleoedd Wylfa a Wylfa Newydd ar 14 Mehefin fel rhan o'r fforwm.

Gweithlu

Ar 7 Mehefin roedd 304 o weithwyr a thri Gweithiwr a Gyflenwyd gan Asiantaeth ar y safle (heb gynnwys gweithwyr Diogelwch na staff Swyddfa Cymorth Magnox sydd wedi'u lleoli yn Wylfa).

Cafodd staff Magnox gefnogaeth drwy sesiynau briffio gyda'r NDA, Magnox ac Undebau Llafur yn ystod Cyfnod Ymgynghori ar Ddiwygio Pensiynau Llywodraeth y DU.

Ciwb Cymdeithasol a Chwaraeon Wylfa

Cafodd allwedd Clwb Cymdeithasol a Chwaraeon Wylfa eu trosglwyddo i Pŵer Niwclear Horizon yn ffurfiol ar 31 Mai, gan roi terfyn ar ased cymunedol pwysig a gynhaliodd ddigwyddiadau, partïon, cyngherddau, grwpiau, diwrnodau hyfforddiant a phantomeimiau di-ri ers iddo gael ei adeiladu.

Wylfa yn y gymuned

Cafodd bwrdd pŵl y Clwb Cymdeithasol a Chwaraeon ei roi i Ysgol Syr Thomas Jones, Amlwch.

Llwyddodd Naomi Cooper i brynu ei chadair olwyn newydd diolch i gefnogaeth aruthrol gan y gymuned a chyfraniad o £1597 gan staff/Contractwyr Wylfa a'r Clwb Cymdeithasol a Chwaraeon.



Matthew Roberts oedd y cyntaf i basio'r Prawf Gyrru Ymarferol gyda rhaglen 'Taith i Waith' Cymunedau yn Gyntaf Môn, gyda chyllid gan gynllun economaidd-gymdeithasol Magnox gwerth £99,282 dros dair blynedd.



Tîm o dan 16 Clwb Pêl-droed Amlwch yn eu cit gan Magnox - ar ôl cael cyllid o £500.

I gael rhagor o wybodaeth a'r newyddion diweddaraf o Wylfa, ewch i:

<https://magnoxsites.com>

<https://twitter.com/magnoxsites>

<https://www.linkedin.com/company/magnox>

<https://www.flickr.com/photos/magnoxsites>